

# Ruthy Vrieswijk-Bergen satisfecho y gradicido cu su expo: "Nunca ta demaisado bieu pa tin pret"

**RONDONA** pa scout y lideran scout di su grupo "Kimball O'Hara", Ruthy "Lady Ruth" Vrieswijk-Bergen, cu su nomber di lider scout "Bubbels" a sera su 3er exposicion, pagando e luznan cu a ilumina cuadranan colorido, alegre y sentimental durante dos siman na Biblioteca Nacional.

Un atardecer nohecer cu spliacion di su cuadranan, cu e Bevernan y Welpnan pintando cu nan mesun fantasia y color, bao zonidonan alegre di algun yells "Three little bird....every little thing is gonna be allright" y "Bravo, bravo, bravissimo" pa nos Welpnan, bisti cu nan medayanan di segundo lugar den e ultimo competencianan scout riba tereno di Horde.

Cu emocionnan mixto, di por a ricibi asina hopi bishita durante

e dos simannan aki, kendenan a laga palabranan bunita di pabien y elogio for di curazon den e guestbook di Lady Ruth. Ki dushi pa sa, cu su arte ta wordo aprecia p'e doñonan nobo. Obranen original crea cu hopi fantasia y color. Tin artista cu ta bisa, cu ta for di ariba, e comerciante y/of banconan tin cu cuminsa cumpra obranan di arte na prijsnan demasiado caro, pero, Lady Ruth ta par'ariba, cu ta cu nos dushi pueblo arte ta cuminsa, ya cu bo no por baha un trapi sin subi'e prome.

Pa sigui inspira nos dushi hendenan cu obranan original, unico y bunita na prijsnan razonabel. Ya cu aki na Aruba sa exagera hopi den e prijsnan di obranan di arte, lubidando cu un artista no ta mas ni menos cu e otro, si ta algo di profun-

didat di su curazon cu hopi sentimiento.

Mayoria di e artistanan academico tin un bon trabao, y ta eherce nan arte como hobby. Pesey, Lady Ruth ta sumamente satisfecho cu, como un ama di cas "domestic engineer" el a mira mas luz atrobe den un di su proyectonan riba tereno di arte, e biaha aki pintamento. Tabata un otro bunita experiencia atrobe, como artista, pintor y poeta pa por a sinti su mes un cu esnan cu a bishita su expo pa motibo di nan palabranan bunita cu ta sigui inspira Ruthy pa sigui drai cu e wiel, segun su curazon artistico ta sigui gui'e. Cu un danki grandi na un y tur cu di un of otro forma a coopera pa yuda realiza e 3er expo: "Never too old for fun". God bless.

